



Broj: 05/1-50-15-26-12-3/22

Sarajevo, 22. 6. 2022.

ZAPISNIK

12. sjednice Nezavisnog odbora Parlamentarne skupštine BiH

Sjednica je održana 22. 6. 2022, s početkom u 17.15 sati.

Sjednicu je sazvao Enes Obraliya, predsjednik Nezavisnog odbora.

PRISUTNI ČLANOVI NEZAVISNOG ODBORA: Enes Obraliya, predsjednik Nezavisnog odbora, Miše Ćavar, prvi zamjenik predsjednika Nezavisnog odbora, Uroš Pena, drugi zamjenik predsjednika Nezavisnog odbora, Muhamed Mujakić, Enes Bezdrob, Mate Miletić, Nikola Džambas, Darko Kremenović¹ i Milan Stanić, članovi Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicu su pratili Zoran Žuža iz Sektora za odnose s javnošću Sekretarijata Parlamentarne skupštine BiH, Dijana Šatara, predstavница OHR-a, te Dijana Stevanović, predstavница Delegacije Evropske unije u Bosni Hercegovini.

Sjednicom je predsjedavao predsjednik Nezavisnog odbora Enes Obraliya.

Konstatirajući da postoji kvorum, otvorio je 12. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

¹ Darko Kremenović, član Nezavisnog odbora, u toku razmatranja 2. tačke dnevnog reda a nakon otvaranja 11. koverte, iz opravdanih razloga, morao je napustiti sjednicu (18.30 sati)

DNEVNI RED

1. Usvajanje Zapisnika 11. sjednice Nezavisnog odbora;
2. Razmatranje pristiglih prijava na Javni konkurs za provođenje procedure odabira kandidata za izbor direktora i zamjenika direktora policijskih tijela Bosne i Hercegovine;
3. Tekuća pitanja.

Ad. 1. Usvajanje Zapisnika 11. sjednice Nezavisnog odbora

Zapisnik 11. sjednice Nezavisnog odbora usvojen je jednoglasno, bez primjedbi.

Ad.2. Razmatranje prijava pristiglih na Javni konkurs za provođenje procedure odabira kandidata za izbor direktora i zamjenika direktora policijskih tijela Bosne i Hercegovine

U vezi s ovom tačkom dnevnog reda, predsjednik i članovi Nezavisnog odbora utvrdili su metodologiju otvaranja i pregledanja pristiglih koverata. Otvaranje koverata je izvršeno redoslijedom pristizanja u Parlamentarnu skupštinu BiH. Na Javni konkurs za provođenje procedure odabira kandidata za izbor direktora i zamjenika direktora policijskih tijela Bosne i Hercegovine blagovremeno je pristigla 21 prijava.

Prilikom uvida u prijavu kandidata Đure Kneževića konstatirano je da se prijavio za pozicije: 1/02 Zamjenik direktora Direkcije za koordinaciju policijskih tijela BiH i 3/01 Zamjenik direktora Državne agencije za istrage i zaštitu. S obzirom na to da je prijavljeni kandidat dužnost zamjenika direktora Državne agencije za istrage i zaštitu obavljao u dva uzastopna mandata, predsjednik Nezavisnog odbora je otvorio raspravu o prijavi kandidata na ovu poziciju. Na početku rasprave za riječ se javio Miše Ćavar, prvi zamjenik predsjednika Nezavisnog odbora, koji je iznio mišljenje da prijavljeni kandidat dužnost zamjenika direktora Državne agencije za istrage i zaštitu nije obavljao u punom kapacitetu i da može ostvariti pravo na izbor zamjenika direktora Državne agencije za istrage i zaštitu u još jednom mandatu. Naime, Knežević je prilikom obavljanja ove dužnosti u prvom mandatu obavljao dužnost direktora Državne agencije za istrage i zaštitu u periodu od tri mjeseca, a u drugom mandatu u

periodu od preko sedam mjeseci čime je njegovo obavljanje dužnosti zamjenika direktora Državne agencije za istrage i zaštitu bilo prekinuto, a o čemu je podnosilac prijave obavijestio ovo tijelo. Također, za riječ se javio i Milan Stanić, član Nezavisnog odbora, koji je istakao da smatra da se ovo pitanje može tretirati kao jedna vrsta pravne praznine, te da ne bi želio da kandidat bude oštećen i da je potrebno učiniti sve napore kako bi donijeli ispravnu odluku po ovom pitanju, tj. ako postoji pravna mogućnost da mu se omogući pravo na izbor zamjenika direktora Državne agencije za istrage i zaštitu u još jednom mandatu.

Nakon što su članovi Nezavisnog odbora iscrpili raspravu o ovom pitanju, u kojoj su učestvovali svi članovi Nezavisnog odbora, predsjednik Nezavisnog odbora Enes Obralija je stavio na glasanje prijavu kandidata Đure Kneževića za poziciju 3/01 Zamjenik direktora Državne agencije za istrage i zaštitu. Sa 6 glasova „za“ i 3 glasa „protiv“ prijava kandidata Đure Kneževića za poziciju 3/01 Zamjenik direktora Državne agencije za istrage i zaštitu je odbijena.

Dalje, uvidom u prijavu kandidata Relje Kovača, konstatirano je da nije naveo na koju poziciju se izričito prijavljuje te se otvorila rasprava o ovom pitanju. Nakon rasprave, predsjednik Nezavisnog odbora Enes Obralija stavio je na glasanje prijavu kandidata Relje Kovača. Sa 7 glasova „za“ i jednim glasom „protiv“ prijava kandidata Relje Kovača je prihvaćena i smatrat će se da se Kovač prijavio na sve pozicije.

Nakon uvida u sve pristigle prijave, članovi Nezavisnog odbora konstatirali su da su se na Javni konkurs prijavili sljedeći kandidati: Edin Malkić, na poziciju zamjenika direktora Granične policije BiH, Mirko Kuprešaković, na pozicije direktora Granične policije BiH i zamjenika direktora Državne agencije za istrage i zaštitu, Admir Gazić na pozicije direktora Direkcije za koordinaciju policijskih tijela BiH, zamjenika direktora Direkcije za koordinaciju policijskih tijela BiH, direktora Granične policije BiH, zamjenika direktora Granične policije BiH i zamjenik direktora Državne agencije za istrage i zaštitu, Ivica Bošnjak na pozicije zamjenika direktora Direkcije za koordinaciju policijskih tijela BiH i zamjenika direktora Državne agencije za istrage i zaštitu, Robert Perić na pozicije zamjenika direktora Direkcije za koordinaciju policijskih tijela BiH i direktora Granične policije BiH, Ensad Korman na pozicije direktora Direkcije za koordinaciju policijskih tijela BiH i zamjenika direktora Granične policije BiH, Vladimir Popović na pozicije direktora Granične policije BiH i zamjenika direktora Državne agencije za istrage i zaštitu, Jovica Lazić na poziciju zamjenika direktora Direkcije za koordinaciju policijskih tijela BiH, Almir Bašić na pozicije direktora Direkcije za

koordinaciju policijskih tijela BiH i zamjenika direktora Granične policije BiH, Đuro Knežević na poziciju zamjenika direktora Direkcije za koordinaciju policijskih tijela BiH, Amra Aljić na pozicije direktora Direkcije za koordinaciju policijskih tijela BiH i zamjenik direktora Granične policije BiH, Relja Kovač na pozicije direktora Direkcije za koordinaciju policijskih tijela BiH, zamjenik direktora Direkcije za koordinaciju policijskih tijela BiH, direktora Granične policije BiH, zamjenika direktora Granične policije BiH i zamjenika direktora Državne agencije za istrage i zaštitu, Žarko Kalem, na poziciju zamjenika direktora Državne agencije za istrage i zaštitu, Mirsad Delilović, na poziciju direktora Direkcije za koordinaciju policijskih tijela BiH, Ranko Vuković na poziciju zamjenika direktora Direkcije za koordinaciju policijskih tijela BiH, Goran Amidžić na poziciju zamjenika direktora Direkcije za koordinaciju policijskih tijela BiH, Fahrudin Halač na pozicije direktora Direkcije za koordinaciju policijskih tijela BiH i zamjenika direktora Granične policije BiH, Svevlad Hofman na poziciju direktora Granične policije BiH, Zoran Galić na pozicije zamjenika direktora Direkcije za koordinaciju policijskih tijela BiH i zamjenika direktora Državne agencije za istrage i zaštitu, Slobodan Krstić na poziciju zamjenika direktora Direkcije za koordinaciju policijskih tijela BiH i Dragan Kulić na poziciju zamjenika direktora Direkcije za koordinaciju policijskih tijela BiH.

Na kraju, članovi Nezavisnog odbora dogovorili su se da u međuvremenu treba po službenoj dužnosti dopisom zatražiti od nadležnih ministarstava unutrašnjih poslova dokaz o neosuđivanju, nakon čega će kandidati biti pozvani na intervju.

Predsjednik Nezavisnog odbora Enes Obralića zaključio je sjednicu u 21.00 sat.

SEKRETARKA
NEZAVISNOG ODBORA

Ivana Lovrić

PREDSJEDNIK
NEZAVISNOG ODBORA

Enes Obralića